

Пасхальная утренняя - читается в полночь или утром в воскресенье

стихи́ра, глас 6:

Воскрэ́сние Твое́ Христе́ Спа́се, А́нгели пою́т на небесе́х, и на́с на земли́
сподо́би чи́стым се́рдцем Тебе́ сла́вити. *(трижды)*

Повторяется во время крестного хода

Старший: **М**олитвами святых отец наших, Господи, Иисусе Христе, Сыне Божий, помилуй нас.

Хор: Ами́нь.

Христос воскресе́ из ме́ртвых, сме́ртию сме́рть попра́в, и су́щым во гробе́х
живо́т дарова́в. *(трижды)*

Чтец: Да воскрэ́снет Бо́г, и расточа́тся врази́ Его́, и да бежа́т от Лица́ Его́
ненави́дящие Его́.

Хор: Христос воскресе́ из ме́ртвых, сме́ртию сме́рть попра́в, и су́щым во
гробе́х живо́т дарова́в.

Чтец: Я́ко исче́зает ды́м, да исче́знут, я́ко тае́т во́ск от лица́ огня́. Христос
воскресе́: еди́ножды.

Хор: Христос воскресе́ из ме́ртвых, сме́ртию сме́рть попра́в, и су́щым во
гробе́х живо́т дарова́в.

Чтец: Та́ко да поги́бнут гре́шницы от Лица́ Бо́жия, а пра́ведницы да
возвеселя́тся. Христос воскресе́: еди́ножды.

Хор: Христос воскресе́ из ме́ртвых, сме́ртию сме́рть попра́в, и су́щым во
гробе́х живо́т дарова́в.

Чтец: Се́й де́нь его́же сотвори́ Госпо́дь, возра́дуемся и возвесели́мся во́нь.
Христос воскресе́: еди́ножды.

Хор: Христос воскресе́ из ме́ртвых, сме́ртию сме́рть попра́в, и су́щым во
гробе́х живо́т дарова́в.

Чтец: Слава Отцу и Сыну и Святому Духу

Хор: Христос воскресе из мертвых, смертию смерть поправ, и сущим во гробех живот даровав.

Чтец: И ныне и присно и во веки веков, аминь.

Хор: Христос воскресе из мертвых, смертию смерть поправ, и сущим во гробех живот даровав.

Старший: Христос воскресе из мертвых, смертию смерть поправ.

Хор: и сущим во гробех живот даровав.

КАНОН ПАСХАЛЬНЫЙ, ГЛАС 1:

Пасхальный канон поется полностью хором: и ирмосы, и припевы, и тропари, и катавасии.

ПЕСНЬ 1:

Ирмос: Воскресения день,/ просветимся, людие./ Пасха, Господня
Пасха:/ от смерти бо к жизни,/ и от земли к небеси,/ Христос Бог
нас преведе,// победную поющая. *(Четырежды)*

Припев: Христос воскресе из мертвых.

Очистим чувства, и узрим/ неприступным светом/
Воскресения, Христа/ блистающая,/ и радуйтесь, рекуща,/ ясно да
услышим,// победную поюще. *(6 раз)*

Припев: Христос воскресе из мертвых.

Небеса убо достойно да веселятся,/ земля же да радуется,/ да
празднует же мир,/ видимый же весь и невидимый:/ Христос бо
воста,// веселие вечное. *(6 раз)*

КАТАВАСИЯ:

Воскресения день,/ просветимся, людие./ Пасха, Господня
Пасха:/ от смерти бо к жизни,/ и от земли к небеси,/ Христос Бог
нас преведе,// победную поющая. *(Трижды)*

Христос воскрес из мёртвых,/ смёртию смерть поправ// и сущим
во гробех живёт даровав. *(Трижды, поскору)*

ПЕСНЬ 3:

Ирмос: Приидите, пиво пиём новое,/ не от камене неплодна
чудодеемое,/ но нетления источник/ из гроба одождивша
Христа,// в Нёмже утверждаемся. *(Четырежды)*

Припев: Христос воскрес из мёртвых.

Ныне вся исполнися света,/ небо же и земля, и преисподняя:/ да
празднует убо вся тварь/ востание Христова,// в нёмже утверждается. *(6
раз)*

Припев: Христос воскрес из мёртвых.

Вчера спогребохся Тебе Христэ,/ совостаю днесь/ воскресшу Тебе,/
сраспинахся Тебе вчера,// Сам мя прослави Спасе во Царствии Твоём.
(6 раз)

КАТАВАСИЯ:

Приидите, пиво пиём новое,/ не от камене неплодна
чудодеемое,/ но нетления источник/ из гроба одождивша
Христа,// в Нёмже утверждаемся. *(Трижды)*

Христос воскрес из мёртвых,/ смёртию смерть поправ// и сущим
во гробех живёт даровав. *(Трижды, поскору)*

ИПАКОЙ, ГЛАС 4:

Хор: Предваривши утро яже о Марии,/ и обретши камень отвален от
гроба,/ слышаху от Ангела: во свете присносущнем Сущаго,/ с мёртвыми
что ищите, яко человека?/ Видите гробныя пелены, тецйте и миру
проповедите,/ яко воста Господь, умертвивый смерть,// яко есть Сын
Бога, спасающего род человеческий.

ПЕСНЬ 4:

Ирмос: На Божественней стражи/ богоглаголивый Аввакум/ да

ста́нет с на́ми, и пока́жет/ светно́сна А́нгела,/ я́сно глаго́люща:/
днесь спасе́ние ми́ру,/ я́ко воскресе́ Христос,// я́ко всеси́лен.
(Четырежды)

Припев: Христос воскресе́ из ме́ртвых.

Му́жеский у́бо пол,/ я́ко разве́рзый де́вственную утробу,/ яви́ся
Христос:/ я́ко челове́к же,/ А́гнец нарече́ся:/ непоро́чен же,/ я́ко
невку́сен скве́рны,/ на́ша Па́сха,/ и я́ко Бог и́стинен// соверше́н
рече́ся. *(4 раза)*

Припев: Христос воскресе́ из ме́ртвых.

Я́ко единоле́тний а́гнец,/ благослове́нный нам вене́ц Христос,/
волею́ за всех закла́н бысть,/ Па́сха чисти́тельная,/ и па́ки из гроба́
красное// пра́вды нам возсия́ Со́лнце. *(4 раза)*

Припев: Христос воскресе́ из ме́ртвых.

Богооте́ц у́бо Дави́д/ пред се́нным ковче́гом скака́ше игра́я,/
лю́дие же Бо́жии святи́и,/ образо́в сбыти́е зря́ще,/ весели́мся
Боже́ственне,/ я́ко воскресе́ Христос,// я́ко Всеси́лен. *(4 раза)*

КАТАВАСИЯ:

На Боже́ственной стра́жи/ богоглаго́ливый Авваку́м/ да
ста́нет с на́ми, и пока́жет/ светно́сна А́нгела,/ я́сно глаго́люща:/
днесь спасе́ние ми́ру,/ я́ко воскресе́ Христос,// я́ко всеси́лен.
(Трижды)

Христос воскресе́ из ме́ртвых,/ сме́ртию сме́рть попра́в// и су́щим
во гробе́х живо́т дарова́в. *(Трижды, поскóру)*

ПЕСНЬ 5:

Ирмос: У́тренюем у́треннюю глубоку́,/ и вме́сто ми́ра песнь принесе́м
Влады́ще,/ и Христа́ у́зрим/ пра́вды Со́лнце,// всем жизнь
возсия́юща. *(Четырежды)*

Припев: Христос воскресе́ из ме́ртвых.

**Безмѣрное Твое благоутрѣбие,/ а́довыми ўзами содержи́ми
зря́ще,/ к свѣту идя́ху Христѣ,/ весѣлыми нога́ми,// Па́сху хва́ляще
вѣчную. (6 раз)**

Припев: Христос воскресе из мертвых.

**Присту́пим священоснии,/ исходя́щу Христу́ из грѣба, я́ко жениху́,
и спрѣзднуем любопрѣзднственными чинми// Па́сху Бо́жию
спаси́тельную. (6 раза)**

КАТАВАСИЯ:

**У́тренюем у́треннюю глубо́ку,/ и вмѣсто ми́ра песнь прине́сем
Вла́дыще,/ и Христа́ ўзрим/ пра́вды Со́лнце,// всем жизнь
возсия́юща. (Трижды)**

**Христос воскресе из мертвых,/ сме́ртию смерть попра́в// и су́щим
во грѣбах живо́т дарова́в. (Трижды, поскѣру)**

ПЕСНЬ 6:

**Ирмос: Снизше́л еси́ в преиспо́дняя земли́,/ и сокруши́л еси́ верей
вѣчныя,/ содержи́а связанныя, Христѣ,/ и тридне́вен, я́ко от
ки́та Ио́на,// воскрѣсл еси́ от грѣба. (Четырежды)**

Припев: Христос воскресе из мертвых.

**Сохранѣв це́ла зна́менія Христѣ,/ воскрѣсл еси́ от грѣба,/ ключи́
Де́вы не вредѣвый в рождествѣ Твоемъ,// и отве́рзл еси́ нам ра́йския
двѣри. (6 раз)**

Припев: Христос воскресе из мертвых.

**Спа́се мой,/ живо́е же и неже́ртвенное заколе́ние,/ я́ко Бог Сам Себе́/
во́лею привѣл Отцу́,/ совоскрѣси́л еси́ всерѣднаго Ада́ма,// воскрѣс от
грѣба. (6 раз)**

КАТАВАСИЯ:

**Снизше́л еси́ в преиспо́дняя земли́,/ и сокруши́л еси́ верей
вѣчныя,/ содержи́а связанныя, Христѣ,/ и тридне́вен, я́ко от
ки́та Ио́на,// воскрѣсл еси́ от грѣба. (Трижды)**

Христос воскрес из мертвых,/ смертию смерть поправ// и сущим во гробех живот даровав. *(Трижды, поскору)*

Кондак, глас 8:

Аще и во гроб низшел еси, Безсмертне,/ но адову разрушил еси силу,/ и воскресл еси, яко победитель, Христэ Бже,/ женам мироносицам вещавый: радуйтесь,/ и Твоим апостолом мир даруйай,// падшим подай воскресение.

Икос:

Еже прежде солнца Солнце зашедшее иногда во гроб,/ предвариша ко утру, ищущия яко дне мироносицы девы,/ и друга ко друзей вопияху:/ о другини! Приидите, вонями помажем тело живоносное и погребенное,/ плоть воскресившаго падшаго Адама, лежащую во гробе./ Идем, потщимся якоже волсви, и поклонимся,/ и принесем мира яко дары, не в пеленах, но в плащанице обвитому,/ и плачем, и возопийм: о Владыко, востани,// падшим подай воскресение.

Воскресение Христово видевше,/ поклонимся Святому Господу Иисусу,/ единому безгрешному,/ Кресту Твоему поклоняемся, Христэ,/ и святое Воскресение Твое поем и славим:/ Ты бо еси Бог наш,/ разве Тебе иного не знаем,/ имя Твое именуем./ Приидите вси вернии,/ поклонимся Святому Христову Воскресению:/ се бо прииде Крестом радость всему миру./ Всегда благословяще Господа,/ поем Воскресение Его:/ распятие бо претерпев,// смертию смерть разруши. *(Трижды)*

Воскрес Иисус от гроба,/ якоже прорече,/ даде нам живот вечный// и велию милость. *(Трижды)*

Песнь 7:

Ирмос: **О**троки от пещи избавивый,/ быв Человек,/ страждет яко смертен,/ и страстию смертное,/ в нетления облачит благолепие,/ Един благословен// отцев Бог, и препрославлен. *(Четырежды)*

Припев: Христос воскрес из мертвых.

Жены с мiры богомудрыя в след Тебѣ течаху:/ Егѡже, яко мѣртва, со слезами искаху,/ поклонишася радующияся Живо́му Бо́гу,/ и Пасху тайную// Твоимъ, Христѣ, ученикомъ благовѣстиша.

(4 раза)

Припев: Христос воскрес из мертвых.

Смерти празднуем умерщвление,/ а́дово разрушение,/ ино́го жити́я вѣчнаго нача́ло,/ и играюще поемъ Вино́внаго,/ Еди́наго благословѣннаго// отцѣв Бо́га, и препросла́вленнаго. *(4 раза)*

Припев: Христос воскрес из мертвых.

Яко вои́стинну свяще́нная,/ и всепразднственная сия́ спаси́тельная но́щь,/ и светоза́рная,/ светонóснаго дне,/ воста́ния сущи́ провозвѣстница:// в не́йже безлѣтный Свет из грѡба плѡтски всемъ возсия́. *(4 раза)*

КАТАВАСИЯ:

О́троки от пѣщи избавивый,/ быв Чело́вѣк,/ стра́ждет яко смѣртен,/ и стра́стию смѣртное,/ в нетлѣ́ния облачи́т благоле́пие,/ Еди́н благословѣ́н// отцѣв Бог, и препросла́влен. *(Трижды)*

Христос воскрес из мертвых,/ смѣртию смерть попра́в// и сущимъ во грѡбѣхъ живо́т дарова́в. *(Трижды, поскóру)*

ПЕСНЬ 8:

Ирмос: Сей нарече́нный и святы́й день,/ Еди́н суббо́т Царь и Госпо́дь,/ пра́здников пра́здник/ и торже́ство есть торже́ств,// во́ньже благослови́м Христа́ во ве́ки. *(Четырежды)*

Припев: Христос воскрес из мертвых.

Прииди́те, но́ваго виногра́да рождѣ́ния,/ Божѣ́ственнаго весѣ́лия,/ в на́рочитом дни Воскресе́ния,/ Ца́рствия Христо́ва приобщи́мся,/ пою́ще Егѡ// яко Бо́га во ве́ки. *(4 раза)*

Припев: Христос воскрес из мёртвых.

Возведи́ окрест очи твои́, Си́оне, и виждь:/ се бо приидо́ша к тебе́,/ я́ко богосвѣтлая свѣтила,/ от за́пада, и се́вера, и мо́ря,/ и восто́ка ча́да тво́я,// в тебе́ благословя́щая Христа́ во ве́ки. *(4 раза)*

Припев: Пресвята́я Тро́ице, Бо́же наш, сла́ва Тебе́.

Тро́ичен: О́тче Вседержи́телю, и Сло́ве, и Ду́ше,/ тремѹ соединя́емое во Ипостáсах Естество́,/ Пресу́щественне и Пребоже́ственне,/ в Тя крестѹхомся,// и Тя благослови́м во вся ве́ки. *(4 раза)*

КАТАВА́СИЯ:

Сей нарече́нный и святы́й день,/ Еди́н суббо́т Царь и Госпо́дь,/ пра́дников пра́дник/ и торже́ство есть торже́ств,// во́ньже благослови́м Христа́ во ве́ки. *(Трижды)*

Христос воскрес из мёртвых,/ сме́ртию смерть попра́в// и су́щим во гробѹх живо́т дарова́в. *(Трижды, поскóру)*

ПЕСНЬ 9:

Диакон: Вели́чит душа́ моя́/ воскрѣсшаго тридне́вно от грóба// Христа́ Жизнода́вца.

Хор:

Ирмос: Свети́ся, свети́ся,/ но́вый Иерусали́ме:/ сла́ва бо Госпо́дня/ на тебе́ возсия́./ Лику́й ны́не/ и весели́ся, Си́оне./ Ты же, Чи́стая, красуй́ся, Богоро́дице,// о воста́нии Рожде́ства Твоего́.

Хор:

Припев: Вели́чит душа́ моя́/ воскрѣсшаго тридне́вно от грóба// Христа́ Жизнода́вца.

Ирмос: Свети́ся, свети́ся,/ но́вый Иерусали́ме:/ сла́ва бо Госпо́дня/ на тебе́ возсия́./ Лику́й ны́не/ и весели́ся, Си́оне./ Ты же, Чи́стая, красуй́ся, Богоро́дице,// о воста́нии Рожде́ства Твоего́.

Припев: Велічит душá моя/ вóлею страдáвша, и погребéна,// и
воскрéсшаго триднёвно от грóба.

Ирмос: Светіся, светіся,/ нóвый Иерусаліме:/ сла́ва бо Господня/ на
тебé возсія./ Ликуй ны́не/ и веселіся, Сиóне./ Ты же, Чістая,
красуйся, Богорóдице,// о востáнии Рождествá Твоегó. (Дважды, с
припевом)

Припев: Христóс нóвая Пáсха,/ Жéртва живáя,/ Áгнец Бóжий,//
взёмляй грехі міра.

Тропарь: О Божéственнаго, о любéзнаго,/ о сладчайшаго Твоегó глáса!/ С
на́ми бо нелóжно/ обеща́лся еси́ б́ити,/ до скончáния вéка Христé:/
Егóже, вёрнии,// утверждéние надéжди имúще, радуемся. (Дважды, с
припевом)

Припев: Áнгел вопіяше Благодáтней:/ Чістая Дéво, радуйся!/ И
па́ки рекý: радуйся!/ Твой Сын воскрéсе/ триднёвен от грóба,/ и
мёртвыя воздв́гнувый:// лю́дие, веселітеся.

Тропарь: О Божéственнаго, о любéзнаго,/ о сладчайшаго Твоегó глáса!/ С
на́ми бо нелóжно/ обеща́лся еси́ б́ити,/ до скончáния вéка Христé:/
Егóже, вёрнии,// утверждéние надéжди имúще, радуемся. (Дважды, с
припевом)

Припев: Возбуди́л еси́ усну́в мёртвыя от вéка,// ца́рски рыка́вый я́ко от
И́уды лев.

Тропарь: О Божéственнаго, о любéзнаго,/ о сладчайшаго Твоегó глáса!/ С
на́ми бо нелóжно/ обеща́лся еси́ б́ити,/ до скончáния вéка Христé:/
Егóже, вёрнии,// утверждéние надéжди имúще, радуемся. (Здесь и
далее по единожды)

Припев: Магдали́на Мари́я притечé ко грóбу,/ и Христá ви́девши,//
я́ко вертогра́даря вопрошáше.

Тропарь: О Божéственнаго, о любéзнаго,/ о сладчайшаго Твоегó глáса!/ С
на́ми бо нелóжно/ обеща́лся еси́ б́ити,/ до скончáния вéка Христé:/

Его́же, ве́рнии, // утвержде́ние наде́жди иму́ще, ра́дуемся.

Припев: **А́нгел облиста́й жена́м вопи́яше: // преста́ните от слез, я́ко Христо́с воскресе́.**

Тропарь: **О** Па́сха ве́лия и свяще́ннейшая, Христé!// О му́дросте, и Сло́ве Бо́жий, и си́ло!// Подава́й нам и́стее Тебе́ причаща́тися, // в невече́рнем дни Ца́рствия Твоего́.

Припев: **Христо́с воскресе́, смерть попра́вый, / и ме́ртвыя воздви́гнувый, // лю́дие весели́тся.**

Тропарь: **О** Па́сха ве́лия и свяще́ннейшая, Христé!// О му́дросте, и Сло́ве Бо́жий, и си́ло!// Подава́й нам и́стее Тебе́ причаща́тися, // в невече́рнем дни Ца́рствия Твоего́.

Припев: **Днесь вся́ка тварь весели́тся и ра́дуется: // я́ко Христо́с воскресе́, и ад плени́ся.**

Тропарь: **О** Па́сха ве́лия и свяще́ннейшая, Христé!// О му́дросте, и Сло́ве Бо́жий, и си́ло!// Подава́й нам и́стее Тебе́ причаща́тися, // в невече́рнем дни Ца́рствия Твоего́.

Припев: **Днесь Влады́ка плени́ а́да, // воздви́гнувый ю́зники, я́же от ве́ка имя́ше лю́те одержи́мыя.**

Тропарь: **О** Па́сха ве́лия и свяще́ннейшая, Христé!// О му́дросте, и Сло́ве Бо́жий, и си́ло!// Подава́й нам и́стее Тебе́ причаща́тися, // в невече́рнем дни Ца́рствия Твоего́.

Припев: **Вели́чит душа́ моя́ // Триипоста́снаго и Неразде́льнаго Божества́ держа́ву.**

Тропарь: **О** Па́сха ве́лия и свяще́ннейшая, Христé!// О му́дросте, и Сло́ве Бо́жий, и си́ло!// Подава́й нам и́стее Тебе́ причаща́тися, // в невече́рнем дни Ца́рствия Твоего́.

Припев: Рáдуйся, Дéво, рáдуйся,/ рáдуйся, Благословénная,/ рáдуйся,
Препрослáвленная!// Твой бо Сын воскрéсе триднéвен от грóба.

Тропарь: О Пáсха вéлия и свящénнейшая, Христé!// О мýдросте, и Слóве
Бóжий, и сíло!// Подава́й нам íстее Тебé причащáтися,// в невечérнем
дни Цáрствия Твоегó.

Припев: Велíчит душá моя/ воскрéсшаго триднéвно от грóба//
Христá Жизнодавца.

Ирмос: Светíся, светíся,/ нóвый Иерусали́ме:/ сла́ва бо Госпóдня/ на
тебé возсия./ Ликúй ны́не/ и веселíся, Сиóне./ Ты же, Чíстая,
красúйся, Богорóдице,// о востáнии Рождествá Твоегó.

Припев: Велíчит душá моя/ во́лею страда́вша, и погребéна,// и
воскрéсшаго триднéвно от грóба.

Ирмос: Светíся, светíся,/ нóвый Иерусали́ме:/ сла́ва бо Госпóдня/ на
тебé возсия./ Ликúй ны́не/ и веселíся, Сиóне./ Ты же, Чíстая,
красúйся, Богорóдице,// о востáнии Рождествá Твоегó.

КАТАВА́СИЯ:

Светíся, светíся,/ нóвый Иерусали́ме:/ сла́ва бо Госпóдня/
на тебé возсия./ Ликúй ны́не/ и веселíся, Сиóне./ Ты же,
Чíстая, красúйся, Богорóдице,// о востáнии Рождествá Твоегó.
(Единожды)

Христóс воскрéсе из мёртвых,/ смёртию смерть попра́в// и сúщим
во гробéх живóт дарова́в. *(Трижды, поскóру)*

ЕКСАПОСТИЛА́РИЙ:

Плóтию усну́в,/ я́ко мертв,/ Царю́ и Го́споди,/ триднéвен
воскрéсл есí,/ Ада́ма воздвíg от тли,/ и упразднív смерть:/ Пáсха
нетлénия,// мíра спасénие. *(Трижды)*

ХВАЛИТНЫ ПСАЛМЫ, ГЛАС 1:

Хор: **В**сякое дыха́ние да хва́лит Го́спода./ Хвали́те Го́спода с небёс./ хвали́те Егó в вѣшних.// Тебѣ подоба́ет песнь Бо́гу.

Хвали́те Егó вси а́нгели Егó,/ хвали́те Егó вся си́лы Егó.// Тебѣ подоба́ет песнь Бо́гу.

Чтец: **Стихи́ры Пра́здника, глас 1:**

Хвали́те Егó на си́лах Егó,/ хвали́те Егó по мно́жеству вели́чества Егó.

Пое́м Твою́, Христѣ, спаси́тельную страсть,// и сла́вим Твое́ Воскресе́ние.

Хвали́те Егó во гла́се тру́бнем,/ хвалите Егó во псалти́ри и гу́слех.

Крест претерпе́вый, и смерть упраздни́вый,/ и воскресы́й из ме́ртвых,/ умири́ нашу жизнь, Го́споди,// я́ко Еди́н Всеси́лен.

Хвали́те Егó в тимпа́не и ли́це,/ хвали́те Егó во стру́нах и орга́не.

А́да плени́вый и челове́ка воскреси́вый,/ Воскресе́нием Твои́м, Христѣ,/ сподо́би ны чи́стым се́рдцем,// Тебѣ пе́ти и сла́вити.

Хвали́те Егó в кимва́лех доброгла́сных, хвали́те Егó в кимва́лех восклицáния,/ вся́кое дыха́ние да хва́лит Го́спода.

Боголе́пное Твое́ снисхожде́ние сла́вяще,/ поём Тя, Христѣ:/ роди́лся еси́ от Де́вы,/ и неразлуче́н был еси́ от Отца́:/ пострада́л еси́ я́ко челове́к,/ и во́лею претерпе́л еси́ Крест,/ воскресе́л еси́ от грóба я́ко от черто́га произше́д,/ да спасе́ши мир,// Го́споди, сла́ва Тебѣ.

СТИХИ́РЫ ПА́СХИ, ГЛАС 5.

Стих: **Д**а воскресе́нет Бог,/ и расточа́тся врази́ Егó.

Па́сха/ свяще́нная нам днесь показáся;/ Па́сха но́ва свята́я;/ Па́сха

таинственная;/ Пасха всечестная./ Пасха Христос Избавитель;/
Пасха непорочная;/ Пасха великая;/ Пасха верных./ Пасха двери
райския нам отверзающая.// Пасха всех освящающая верных.

Стих: **Яко исчезает дым,/ да исчезнут.**

Приидите/ от видения жены благовестницы,/ и Сиону рцыте:/
приими/ от нас радости благовещения, Воскресения Христова:/
красуйся, ликуй/ и радуйся, Иерусалиме,/ Царя Христа узрев из
гроба,/ яко жениха происходяща.

Стих: **Тако да погибнут грешницы от Лица Божия,/ а праведницы**
да возвеселятся.

Мироносицы жены,/ утру глубокую,/ представша гробу
Живодавца,/ обретоша Ангела/ на камени сидяща,/ и той провещав
им,/ сие глаголаше:/ что ищите Живаго с мертвыми;/ что плачете
Нетленного во тли?// Шедше, проповедите учеником Его.

Стих: **Сей день, егже сотвори Господь,/ возрадуемся и возвеселимся в**
онь.

Пасха красная,/ Пасха, Господня Пасха!/ Пасха всечестная/ нам
возсия. Пасха,/ радостью друг друга обымем./ О Пасха!/ Избавление
скорби,/ ибо из гроба днесь,/ яко от чертога/ возсияв Христос,/ жены
радости исполни, глаголя:/ проповедите апостолом.

Слава Отцу и Сыну и Святому Духу и ныне и присно и во веки
веков. Аминь.

Воскресения день,/ и просветимся торжеством,/ и друг друга
обымем./ Рцем братие,/ и ненавидящим нас,/ простим вся
Воскресением,/ и тако возопийм:/ Христос воскрес из мертвых,/
смертию смерть поправ,// и сущим во гробех живот даровав.

Христос воскрес из мертвых,/ смертию смерть поправ// и сущим
во гробех живот даровав. (Трижды, поскору)

Старший: Христос воскресе!

Люди: Воистину воскресе!

Хор: Христос воскресе из мертвых,/ смёртию смерть поправ// и сущим во гробех живót даровав. *(Трижды, неспешно)*

СЛОВО ОГЛАСИТЕЛЬНОЕ ИОАННА ЗЛАТОУСТОГО:

Старший: Иже во святых отца нашего Иоанна, Архиепископа Константинопольскаго, Златоустаго, слово Огласительное во святый и светонóсный Дёнь преслáвнаго и спасительнаго Христа Бóга нашего Воскресения.

Аще кто благочестив и боголюбив, да насладится сего́ добраго и свётлаго торжества́. Аще кто раб благоразу́мный, да вни́дет раду́ясь в ра́дость Го́спода своего́. Аще кто потруди́ся постя́ся, да восприимет ны́не дина́рий. Аще кто от пе́рваго часа́ де́лал есть, да приимет днесь пра́ведный долг. Аще кто по трéтием часе́ прии́де, благодаря́ да пра́зднует. Аще кто по шестóм часе́ дости́же, ничто́же да сумни́тся, и́бо ничи́мже отщетева́ется. Аще кто лиш́ися и девя́таго часа́, да присту́пит, ничто́же сумня́ся, ничто́же боя́ся. Аще кто то́чию дости́же, и во единонадеся́тый час, да не устраши́тся замедле́ния: любочестив бо Сый Влады́ка, прие́млет послéдняго я́коже и пе́рваго: упокоева́ет в единонадеся́тый час прише́дшаго, я́коже де́лавшаго от пе́рваго часа́. И послéдняго ми́лует, и пе́рвому угожда́ет, и о́ному даёт, и сему́ да́рствует, и дела́ прие́млет, и намере́ние целу́ет, и дея́ние почита́ет, и предложéние хва́лит. Те́мже у́бо вни́дите вси в ра́дость Го́спода своего́: и пе́рвии и втори́и, мзду приимите. Богáтии и убóзии, друг со дру́гом лику́йте. Возде́ржницы и лени́вии, день почтíte. Пости́вшиися и непости́вшиися, возвесели́тесь днесь. Трапéза испо́лнена, насладите́ся вси. Телёц упита́нный, никто́же да изы́дет алчай, вси насладите́ся пи́ра ве́ры: вси восприимите богáтство бла́гости. Никто́же да рыда́ет убóжества, яви́ся бо о́бщее Ца́рство. Никто́же

да пла́чет прегреше́ний, прощ́ение бо от грóба возсия́. Никто́же да убой́тся сме́рти, свободи́ бо нас Спа́сова смерть. Угаси́ ю, Иису́с от нея́ держи́мый. Плені́ а́да, Соше́дый во ад. Огорчи́ его́ вкуси́вша плóти Его́. И сие́ предпри́емый Иса́иа возопи́: ад, глаго́лет, огорчи́ся, срет Тя до́ле. Огорчи́ся, и́бо упраздни́ся. Огорчи́ся, и́бо поруган бысть. Огорчи́ся, и́бо умертви́ся. Огорчи́ся, и́бо низложи́ся. Огорчи́ся, и́бо связа́ся. Прият т́ело, и Бо́гу прирази́ся. Прият з́емлю, и срéте Не́бо. Прият е́же ви́дяше, и впадé во е́же не ви́дяше. Где твоé, сме́рте, жа́ло; где тво́я, а́де, побéда? Воскрéсе Христóс, и ты низв́ерглся еси́. Воскрéсе Христóс, и падóша дéмони. Воскрéсе Христóс, и ра́дуются А́нгели. Воскрéсе Христóс, и жизнь жи́тельствует. Воскрéсе Христóс, и ме́ртвый ни еди́н во грóбе. Христóс бо воста́в от ме́ртвых, Нача́ток усóпших бысть. Тому́ сла́ва и держа́ва, во ве́ки веко́в. Ами́нь.

ТРОПА́РЬ ИОА́ННА ЗЛАТОУ́СТОГО, ГЛАС 8:

Хор: Уст твои́х, я́коже свѣтлость огня́/ возсия́вши, благода́ть вселénную просвети́:/ не сребролю́бия ми́рови сокро́вища сниска́,/ высоту́ нам смиреному́дрия показá,/ но твои́ми словесы́ наказу́я, óтче Иоáнне Златоу́сте, // моли́ Сло́ва, Христа́ Бо́га, спастися душáм на́шим.

Хор: Го́споди, помилуй. 40

Хор: Слава Отцу, и Сыну, и Святому Духу, и ныне и присно, и во веки веков, аминь.

Го́споди, помилуй. *Трижды.*

Го́споди, благослови.

Старший: Воскресый из мертвых Христóс Истинный Бог наш, моли́твами Пречи́стыя Своея́ Ма́тере, и всех святы́х, помилует и спасёт нас, я́ко Благ и Человеколю́бец.

Хор: Аминь.

